

nunt, Schneid. in epitome in usu feudorum part. 4. n. 1. Dnus D. Sprevus d. Exerc. feud. 6. assertione primâ. Sic aliter constituitur servitus l. ususfr. 6. §. 1. & 2. ff. de usufr. aliter acquiritur l. 3. princ. verb. dare ff. cod.

(b) §. singulorum 11. Inst. de rerum divis. §. fin. Inst. de usu & habitatione, l. 1. ff. de acq. rer. dom. Licet enim dominium sit ex jure gentium, quoniam tamen jura & commercia rerum postulant, ut non tantum cum peregrinis, sed etiam cum civibus contrahatur, factum est, ut quidam modi sint naturales & communes inter omnes gentes, quidam vero civiles; de quibus thes. seqq. agemus.

XVII.

Primus ergo modus (a) occupatio, ex ratione naturali inter omnes homines peræque observata, est: Justa rei apprehensio, per quam habetur possessio naturalis, à qua dominium rerum quondam cœpit. (b)

(a) Modi acquirendi qui & quot sint non satis inter interpretes convenit; explicari in Institutionibus duodecim referunt Contius & Theophilus; Wesenbec. de rerum divis. decem & octo adfert; Mynsingerus eodem viginti. Melioris intellectus gratiâ omnes omnino ad generales quosdam revocati sunt; quorum Treutl. facit 4. Occupationem, traditionem, accessionem, specificationem vol. 2. disp. 20. thes. 2. Hahnus duos: Occupationem seu apprehensionem & accessionem cum suis subdivisionibus, in Comm. ad Wes. d. acq. rer. dom. n. 8. Alii tres constituunt modos 1. Occupationem à parte acquirentis, 2. Traditionem à parte alienantis & 3. accessionem à parte rei. Zoef. in Comm. ad ff. de acq. rer. dom. n. 6. quæ divisio ipsi Hahnio loco supra laudato arridet, & nos eam persequemur.

(b) Id enim quod nullius est, naturali ratione occupanti conceditur l. 3. ff. de acq. rer. dom. Wesenb. Schneid. Myns. Borch. & reliqui Institutionum explanatores. Occupatio in significato laxiori non tantum ad animalia (quod tamen frequentius in jure fieri solet) sed etiam ad prædia, agros, thesauros, lapides